



CAsparus natus est in uilla Schoenauu, quæ in Camœna ualle, à præterlabente torrente Vuisenthal dicta, sita est, haud procul Basilea anno salutis 1504. Is cum prima literarum fundamēta iecisset, in ipsa iuuetute S. Blasij monasterium accessit, & pietatis amore Benedictinorum ordinem suscepit. Situm est illud in Hercinia sylua milliare unum ab oppido Vualdshut. In eo loco statim post Diocletiani tempora anno circiter 300 Christiani quidam fuga elapsi cōuenerunt, & Anachoritarum ut tam agentes Deum laudibus celebrarunt. Hisce cum S. Blasius Cappadociæ præsul, & sub Licinio Cæsare anno 312 martyr apparuisse uisus esset, atq;

admonuisset, ut constanter pergerent, & mundi minas contemnerent, eius monita admisērunt, & eum patronum agnoscentes, suam habitationem ab eo denominarunt. Hoc modo plus minus sexingentos annos summa humilitate & manuum labore uixerūt, ac Benedictinorum ordinem professi, Priorem elegerunt, cuius auspicijs religionem ijs in locis longè lateq; propagarunt. Cum autem postea Ottone 1.